



Inatsisartunut ilaasortaq Karl Lyberth, Siumut
UANI

Puisit amiinik tunisisinnaaneq pillugu apeqqummut nr. 40-mut akissut.

Inatsisartut suleriaasianni § 36 imm. 1 naapertorlugu, puisit amiinik tunisisinnaaneq pillugu apeqquteqaammik saqqummiussisimavutit. Apeqquteqaat uanga naalakkersuisoqarfinnut akisassanngorlugu ingerlateqqinneqarsimavoq.

*1) Illoqarfimmiut piniartut ukioq naallugu puisit amiinik tunisisinnaanissaat qulakkeer-
niarlugu Naalakkersuisut suliniuteqarniarpat?*

1-kkut) Naalakkersuisut Namminersorlutik Oqartussat Aalisarnermut, Piniarnermut Nunalerinermullu Naalakkersuisoqarfiata (APNN) Great Greenland A/S-illu (GG) akornanni kiffartuunneqarnissamik isumaqatigiissutit ilusilersorneranni pingaartissimavaat, ammip ataatsip tunineqartup akia ukiuni siusinnerusutuulli akeqartinneqaannarnissaa. Tamanna piniartup aningaasaqarniarneranut pingaaruteqartutut tunngavigalugu, piniartup naatsorsuutigisinnaassammagu, amminut tunisaasunut ukiuni siusinnerusutut taama akiusimasut assinganik akilernerqassalluni.

EU-mi puisit amiinik eqqussinissamut inerteqqut aammalu nunarsuaq tamakkerlugu aningaasaqarnikkut ajornartorsiorneq pissutigalugu GG aningaasaqarnikkut eqqorneqaqaaq. GG'p ukiup affaanut naatsorsuutininut inernerisa 18,3 mio. kr.-inik akileraarutit peernagit amigartooruteqartoq takutippaa, 2009-mullu inerneru ataatsimoortillugit taamaaginnassasut ilimagineqarpoq. Naalakkersuisut nalilerpaat, GG'p ukiuni kingullerni aningaasaqarnikkut ajornartorsiornini 2010-mut Inatsisartut aningaasanut inatsisaatigut aningaasaatit amerlineqarnerisigut ajornartorsiornini qaangersinnaagaa. Kalaallit Nunaanni tunisisinnaanermut inissisimanerup ajorseriarneranut siullermik pissutaasoq tassa GG-p aningaasaqarniarnikkut ajornartorsiornikkut inissisimanagera pissuteqartoq nunarsuarmi nioqquteqarnikkut puisit amiinik atorfissaqartitsisoqannginnera, peqatigisaanillu inuiaqatigiinnit peqqussummik ingerlajuaannartumik amminik tuniseqqusineq. GG 2009-mut 2010-mulluunniit tunisineru tapiissutinik nammineerluni akiliisinaanngilaq, maannakkullu toqqorsivimmini 250.000-inik amernik uninngasuuteqarpoq. Naalakkersuisut 2010-mut puisit amiinik tunisisinnaanermut suliniuteqarfinnik tulleriarnerinik, takuuk apeqquteqaatip tulliusup akineqarneranut itisiliineq.

2) Great Greenland A/S-ip Naalakkersuisullu akornanni kiffartuunneqarnissamik isumaqatigiissutinik isumaqatigiissuteqarnermut atatillugu sooq aamma sunillu tunngavilersuuteqarluni puisit amiinik taamaallaat 55.000-iusunik tunisisinnaanermik aalajangiisoqarpa?

17. februar 2010
j. nr. 2010-40
Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl
www.nanoq.gl

2-kkut) 2010-mut Inatsisartut aningaasanut inatsisaatigut aningaasat puisit amiinik tunisisinnaanermut tapiissutitut 25.917.000 kr-it immikkoortissimavaat, taakkunanngalu 7.5 mio. kr-it ukiumut ataatsimut arlalinnulluunniit kiffartuunneqarnissamik isumaqatigiissutinik isumaqatigiissuteqarnissamut suliniutinut kisitsisit ilimagineqartut. Ilumoorpoq, suliniutinut kisitsisit ilimagineqartut ammit 87.000-iummata. Suliniutinulli kisitsisit akit apequtaatillugit allanngorassapput, aammalu piffinni sumiiffinnik killilersuisoqassanersoq. Kalaallit Nunaat tamakkerlugu ukioq kaajallallugu puisit amiinik tunisisinnaaneq, ingammik piffinni tunitsiveqarfiit imminut akilersinnaanngikkaluani kiffartuunneqarnissamik isumaqatigiissutip isumannaassavaa. Tunisisinnaanermut aningaasartuutit piviusut amermmut ataatsimut 160 kr-it missaanni akeqarput, taamaasilluni suliniutinut kisitsit ilimagisamik imaluunniit kiffartuunneqarnissamik isumaqatigiissummik 8,8 mio. kr-iusunik kinguneqassalluni. Taamaattumik 2010-mi tunisisinnaanermut tapiissutitigut inuussutissarsiuutigalugu piniartunut natsiit aataallu amiinik tunisinermi 17.117.000 kr-it angullugit akiliutigineqarsinnaassapput. 2009-mut akit qaffasissusiat puisip amianik ataatsimik tunisinikkut tapiissut 310 kr-iusoq aalajangiussimaanneqarsinnaassappat, ataatsimoortillugit tapiissutinut 17.117.000 kr-iusunut ammit 55.000 missaaniittut tunineqarsinnaasut ilimagineqarsinnaavoq.

2008-mi avannaani ammit 40.000-it missaaniittut tunineqarput, 2009-milu tamatuma missaaniittut amerlatigisut tunissangatinneqarlutik. Aningaasaqarnikkut ajornartorsiortoqannginnerani GG-p nuna tamakkerlugu agguaqatigiissillugu amminik 90.000-inik tunitsivigineqartarpoq, tamatumalu paasinarsisippaa, nuna tamakkerlugu pisassiissutit 55.000-iusut 2010 tamakkerlugu naammaginangitsut. Avinngarussimasuniinnerusuni tapiissummik akiliinissaq isumakkeerniarlugu, nunap ilaannut allanut naleqqiullugu isertitaqarniarluni periarfissatut ikinnerusunik qinigassalinni, piffinni immikkut ittuni taakkunani tunitsiveqarnissamik aalajangiussisimannissaq Naalackersuisut qinersimavaat, naleqqiuguk. missingersuutinut ilanngussat kontop taassuma ataani.

Tunitsiveqarfiit, amminik pitsaassusaat pitsaavallaanngitsunik tigooqaaviusunik, imaluunniit ammerivimmut angallasinermmut aningaasartuutinik qaffasippallaartunik nassataqarfiusunut matusisinnaasoqartariaqaralarpoq. Pitsaassuseq pitsaavallaanngitsoq sivisuvallaamik angallassinermik pissuteqarsinnaavoq, tamakkulu ammit Avannaaneersuullutillu Tunumeersuusimassapput. Aammattaaq ammit immikkoortortanit taakkunanngaanneersut nassiunneri qaffasinnerusumik aningaasartuuteqarfiusarput. Piniartulli illoqarfinniit nunaqarfinniillu taakkunanngaanneersut ukiukkut allanik isertitaqarfissamikkut periarfissakinnerusarput, taamaattumillu piffinni taakkunani piniartut tunisinermik unitsitsinerup sakkortooujussuarmik eqqussavai. Taamaattumik Naalackersuisut qinersimavaat, tunisisinnaaneq piffinni taakkunani pingaernerusutut ammassasoq, tasaanerussappullu Qaanaaq, Upernavik, Uummannaq nunaqarfittaallu kiisalu Tunu tamarmi. Avinngarussimasuniinnerusuni tunitsivissatut periarfissat isumannaallisarniarlugit Kalaallit Nunaata immikkoortortaani allani tunisineq matuneqassaaq, taamaattorli Kalaallit Nunaata sinnerani nunaqarfinni tunitsiveqarnissamut periarfissalerlugu.

Kiisalu nalunaarutigissavara KNAPK ataatsimeeqatigigakku kattuffillu kajumissaarlugu pineqartoq pillugu Great Greenland-imik oqaloqateqarnissaat sinaakkusiusaasut iluanni eqaatsumik aqqiissutaasinnaasumik periarfissarsioqqullugit.

Inussiarnersumik inuulluaqqusilluta

Ane Hansen

Aalisarnermut, Piniarnermut Nunalerinermullu Naalakkersuisoq